

叢書 求恕齋

遜齋文集

四

遜齋文集卷十一

錢塘吳承志纂

吳興劉承幹校

圖斯考

圖斯原作途思此卽巴達克山西北之渾都斯漢西域
圖考據西圖目爲噶斯尼者也噶斯尼新疆識略作噶
斯呢距葉爾羌五十站較布哈爾會城及愛烏罕俱差
遠十站與巴達克山不得相接日本木村信卿坤輿方
圖有渾都斯在西域噶斯尼之次西踰阿母河所納
支河有拔爾克其城亦屬阿富汗無噶斯尼地位可置

海國圖志北印度附考引布路斯瑪吉士地理備考云
達爾給斯丹國卽南懷仁圖所謂韃靼也分二十部
落一名布加拉乃通國之最富强者也一名巴爾克一
名古爾墨一名昆都斯一名達黎干皆土著之部布加
拉卽布哈爾巴爾克卽拔爾克昆都斯卽渾都斯三部
本同族而不相統屬古爾墨次在巴爾克昆都斯之間
似斯噶斯尼巴爾克東百里西征紀程云馬薩里什里
福城其名與古墨爾全別不得證合英吉利陔勒低俄
國新志有哥而米尼城屬波嘎拉波嘎拉卽布加拉哥
而米尼當卽古爾墨巴爾克渾都斯及馬薩里什里福

今俱屬阿富汗此城應在阿母河北與達黎干聯比徐氏松西域水道記云渾堵斯西北三日程曰塔爾罕與噶斯尼爲鄰塔爾罕卽達黎干其說噶斯尼亦自在河北下文敘布哈爾地又云其屬城曰鄂勒推帕在東七日程曰濟襍克在東三日程曰噶斯尼在西南十日程曰坎達哈爾在西南二十日程坎達哈爾木村圖作看達哈爾在拔爾克南鄂勒推帕濟襍克皆不具以記說推之噶斯尼舊境或本跨河兼有巴爾克地後分爲二西域圖標綴舊名容可置噶斯尼於河南而鄂勒推帕與濟襍克俱隔在塔爾罕之北於此界自不相連乃塔

爾罕刪出在外濟襍克移置河濱鄂勒推帕又移於河南置在濟襍克東南噶斯尼西坎達哈爾復移之鄂推帕西北地形全乖所據圖爲零摭舊名以意襍注無疑渾都斯本唐昏駛多地入明併入巴達克山後復別自爲部圖志引英吉利馬禮遜外國史略云尹土斯在亞母河之南元史之阿母河也谷間甚燥熱居民不多與其鄰國補答山戰盡有其地卽巴達山也產白玉青金尹土斯卽渾都斯與補答山戰盡有其地卽巴達克山侵據彼部建立西都以後之事復立不詳何年艾如略職方外紀亞細亞圖阿母河南加補爾東少北有峩羅

斯加補爾爲今阿富汗首部之喀布爾舊名加布爾俄羅斯必尹土斯其事度亦在明嘉靖隆慶之世去李達陳誠至彼不過百數十年非甚懸遠谷內謂興都庫施山谷以內白玉青金產東谷中世祖紀至元十三年春正月戊子中書省臣言王孝忠等以罪命往巴達山採寶玉自効巴達山卽興都庫施北出之支山界巴達克山之西者其谷本隸巴達克山故云巴達和斯摩哩傳札拉鼎逃入於海取伊嚕格勒德沁兩城伊嚕格勒原作玉兒谷卽此谷札拉鼎爲和斯摩哩敗後據察罕傳又拒守鐵門關再爲察罕所破始自此谷及德沁南踰

痕都斯坦入海谷中之城自爲巴達克山西北之穆克城新疆識略作依色克距葉爾羌亦二十五站德沁在其南似湖北局本壹統圖之洋哈里城渾都斯所有口谷蓋在穆克西境其西谷遠在哈布爾西坎達哈爾界內馬薩里什里福以西地雖燥熱阿母河已迤向西北野徑開廣無險阻哈烈國於其西俟勒特地自彼國東北至撒馬兒罕必取道此城及巴爾克西洋西域賈販東通貨運自當輶集於此八答黑商傳所云正指此部圖斯爲渾都斯之語省其界當兼有馬薩里什里福支河圖失其名太祖紀十七年壬午春皇子圖類克圖舍

尼綽爾等城還軍經穆壘國大掠之渡楚楚拉河克伊
拉等城遂與帝會圖舍尼原作徒思匿卽此原文之途
思綽爾卽下目之特爾默爲巴爾克及其西北科遮沙
里兩地穆壘原作木刺夷西使記作木乃奚卽明哈烈
所都其東有邁滿那城近巴爾克圖類所掠蓋卽其城
之東境伊拉原作也里爲下目之塔里堪卽塔爾罕楚
楚拉河宜卽此河塔爾罕在阿母河北渡由於此者阿
母河舟聚於此口故卽以河名爲津名也圖舍亦卽圖
斯尼與匿皆聲衍字瀛環志略阿富汗注云一作阿富
汗尼此尼字亦聲衍可證祕史圖舍尼綽爾作做出

黑

扯連聖武親征錄作也黑泥沙兀兒也黑泥做出黑俱
圖舍尼之譯異非合校幾不可讀云

特爾默考

特爾默原作忒耳迷此卽與圖舍尼同克之綽爾紀原文作察兀兒兀兒卽忒耳亦卽特爾也彼譯作綽爾省兀字不譯耳此省察字而增下迷字又入元後衍異默與迷亦通讀字也明史西域傳作迭里迷云在撒馬兒罕西南去哈烈二千餘里有新舊二城相去十餘里其酋長居新城城內外居民僅數百家畜牧蕃息城在阿木河東多魚河東地隸撒馬兒罕西多蘆林產獅子續

通考四裔考作德爾默後文又作錫喇瑪譯復不同城
在阿木河東城上當有舊字今本脫佚酋長居新城謂
舊城爲撒馬兒罕徙居於此新城在河西故下文云河
東地隸撒馬兒罕也外國史略云布哈爾南方曰巴勒
巴勒之間有古城居民在西方二十里巴勒卽巴爾克
古城卽謂迭里迷舊城居民在西方二十里指新城而
言舊城似已廢今河東尚有布哈爾所屬之哥而米尼
哥而米尼卽忒耳迷名沿元舊城蓋後築非明以前之
故治矣新城職方外紀圖作巴辣馬斯巴辣卽巴勒馬
斯似別一地地理備考有美馬墨次在巴爾克上美馬

墨三字同音蓋卽馬斯之衍異馬斯讀爲馬尼因爲馬
墨美又其引增之字也正名實卽錫喇瑪省上二字遂
至歧出美馬墨今爲科遮沙里與巴爾克接連而偏西
北西征紀程云光緒十年英俄議阿富汗北邊之界東
至阿母河源西至科遮沙里河南屬阿北屬俄今尙未
定科遮沙里在赤道北三十七度三十一分京師偏
西五十度三十七分科遮沙里當卽迭里迷城舊城所
在可由之以推特爾默跨河東西兼有科遮沙里巴爾
克哥而米尼三地境廣人戶不多故止置一達嚕噶齊
漢西域圖考失檢續通考海國圖志外紀圖乃云郭寶

玉收馬里四城始得其地憲宗元年立阿母河行省後
并屬撒馬兒罕明時北境在阿母河東者屬迭里迷西
南境屬俺都淮撒馬兒罕起於元末非憲宗後已然迭
里迷所屬有河東地爲據傳文不兼言河西於傳亦不
能合傳有河東地隸撒馬兒罕之文又有西多蘆林產
獅子之文撒馬兒罕界至河濱迭里迷已難錯入蘆林
互見哈烈傳其長亘至彼界又豈能移置河東馬里四
城近大雪山亦不得在此復牽合西使記之里尹城更
非地位察兀兒親征錄作沙兀兒沙察同讀祕史作扯
連亦譯異云

布哈爾考

布哈爾原作不花刺此敘特爾默北城太祖紀十六年
辛巳春帝攻布哈爾賽瑪爾堪等城布哈爾原作卜哈
兒卽不花刺也考證云卜哈兒他卷又作孛合里又作
不花刺三讀並同耶律西遊錄作蒲華云尋思干西六
七百里有蒲華城土產更饒城邑稍多西有大河入于
海布哈爾多屬城西界阿母河知南境接特爾默北境
跨申河祕史篾力克王走出與回回王札刺勒丁相合
領軍迎太祖廝殺者別等三人自札刺勒丁後至將札
刺勒丁勝了欲入不合兒城不得直追至申河軍馬溺

死者殆盡獨札刺勒丁與篾力克逆申河走去不合兒

卽卜哈兒札刺

勒

丁戰處與之隔申河是此河環其東

北兩面明史西域傳作卜花兒云在撒馬兒罕西北七百餘里城居平川周十餘里平川卽謂此河里數作七

百餘較錄說微羸其城至明蓋有遷徙外國史略云布

哈爾都曰破加拉名邑也居民十五萬內有書院回回

廟大房宇便通商海外之商雲集東四十里有撒馬爾

罕古城居民萬口多古蹟此撒馬爾罕卽布哈爾故城

明世割隸撒馬兒罕因名撒馬兒罕古城非卽撒馬兒

罕俄遊彙編中亞細亞部疆域表有薩馬爾干爲襍拉

夫山省首城在襍拉夫山河上卽此撒馬爾罕其城西北六十里有顆特庫爾干城亦俄所置破加拉今已併入其中布哈爾遷居顆特庫爾干之西一百六十俄里領有阿母河濱喀拉枯爾等七城爲俄藩屬非昔之布哈爾矣然南境尙廣至哥而米尼東沿河岸接阿富汗之瓦罕帕米爾又皆前代所無襍拉夫山河出偏察干特城東希爾達利亞省烏拉求別城南奴拉陶山西北流逕偏察干特北牙宜庫爾干城南至薩馬爾干北卽申河者別等戰地祕史不詳太祖紀十七年壬午夏避暑塔爾哈寨西域主札拉鼎出奔與瑪里克汗合呼圖

克與戰不利帝自將擊之札拉鼎原作札蘭丁卽札刺

勒丁瑪里克汗原作滅里可汗卽篾力克王呼圖克戰

處在塔爾哈南應在烏拉求別東北塔什干城南者別

等從札刺勒丁後至則自西攻入和斯摩哩傳云與扎

拉鼎合戰於卓勒新濟齊之地敗之追襲扎拉鼎於阿

爾噶城戰於圖滿山又敗之阿爾噶蓋札刺勒丁北出

與篾力克王所合據之城城憑山險必烏拉求別圖滿

原作禿馬溫卽奴拉陶卓勒新濟齊在西爲牙宜庫爾

干東襟拉夫山河北之地札刺勒丁欲入不合兒軍馬

溺死處可知李氏注西遊錄以卓勒新濟齊原文月亦

心揭赤牽合於本紀十六年辛巳秋皇子卓沁察罕台
謗格德依所攻之玉龍哈什謂卽阿母河西之玉里犍
紀程以禿馬溫山爲波斯國馬散地闡部南境之德馬
溫山俱不知祕史更有不合兒城之文施孝廉世杰山
川地名考旣釋不合兒爲布哈爾又以申河爲印度河
差繆復至千里而遙則由不能根討其城所在泛以大
略之形說之今考出薩馬爾干其誤不必言薩馬爾干
本達嚕噶齊治所後布哈爾自立爲國遷都破加拉疆
域表注云五百年前屬成吉思汗厥後四百年前爲回
酋塔篾爾蘭之都回語稱提穆爾達嘎中國語曰鍊跋